

S26517

890

傷寒

千金方衍義拾二



孫真人千金方衍義卷九

長洲張 璐路玉著

南沙席世臣鄧各校

傷寒方上 凡九類

傷寒例第一 論三首

論曰易稱天地變化各正性命然則變化之迹無方
性命之功難測故有炎涼寒燠風雨晦冥水旱妖災
蟲蝗怪異四時八節種種施化不同七十二候日月
運行各別終其晷度方得成年是謂歲功畢矣天地
尚且如然在人安可無事故人生天地之間命有遭



際時有否泰吉凶悔吝苦樂安危喜怒愛憎存亡憂
畏關心之慮日有千條謀身之道時生萬計乃
口是故天無一歲不寒暑人無一日不憂喜故
行瘟疫病者卽天地變化之一氣也斯蓋造化必然
之理不得無之故聖人雖有補天立極之德而不能
廢之雖不能廢之而能以道御之其次有賢人善於
攝生能知撙節與時推移亦得保全天地有斯瘴癘
還以天地所生之物以防備之命曰知方則病無所
侵矣然此病也俗人謂之橫病多不解治皆曰日滿
自瘥以此致枉者天下大半凡始覺不佳卽須救療



迄至於病愈湯食競進折其毒勢自然而瘥必不
令病氣自在恣意攻人拱手待斃斯爲誤矣今
羣經以爲上下二卷廣設備擬好養者可得詳
小品曰古今相傳稱傷寒爲難治之疾時行瘟疫
毒病之氣而論治者不判傷寒與時行瘟疫爲異氣
耳云傷寒雅士之辭天行瘟疫是田舍間號耳不說
病之異同也考之衆經其實殊異矣所宜不同方說
宜辨是以略說其要經言春氣溫和夏氣暑熱秋氣
清涼冬氣凜冽此四時正氣之序也冬時嚴寒萬類
深藏君子固密則不傷於寒或觸冒之者乃爲傷寒



耳其傷於四時之氣皆能爲病而以傷寒爲毒者以
其最爲殺厲之氣也中而卽病名曰傷寒不卽病者
其寒毒藏於肌骨中至春變爲溫病至夏變爲暑病
暑病熱極重於溫也是以辛苦之人春夏多溫病熱
病者皆由冬時觸冒寒冷之所致非時行之氣也凡
時行者是春時應暖而反大寒夏時應熱而反大冷
秋時應涼而反大熱冬時應寒而反大溫此非其時
而有其氣是以一歲之中病無長少多相似者此時
行之氣也傷寒之逐日深淺以施方治今世人得傷
寒或始不早治或治不去病或日數久淹困乃告師

苟依方次第而療則不中病皆宜臨時消息制方
有效耳

華佗曰夫傷寒始得一日在皮當摩膏火灸之即愈

若不解者二日在膚可依法鍼服解肌散發汗汗出

即愈即不解至三日在肌復一發汗即愈若不解者

止勿復發汗也至四日在胸宜服藜蘆圓微吐之則

愈若病困藜蘆圓不能吐者服小豆瓜蒂散吐之則

愈也視病尙未醒醒者復一法鍼之五日在腹六日

入胃入胃乃可下也若熱毒在外未入於胃而先下

之者其熱乘虛入胃即爛胃也然熱入胃須要下去



之不可留於胃中也胃若實熱爲病三死一生皆不
愈胃虛熱入爛胃也其熱微者赤斑出此候五死
生劇者黑斑出者此候十死一生但論人有強弱病
有難易得效相倍也得病無熱但狂言煩躁不安精
彩言語不與人相主當者勿以火迫之但以猪苓散
一方寸七服之當逼與新汲水一升或二升強飲之
令以指刺喉中吐之病隨手愈若不能吐者勿強與
水水停則結心下也當更以餘藥吐之皆令相主不
爾更致危矣若此病輩不時以猪苓散吐解之者其
死殆速耳亦可先以去毒物及法鍼之尤佳夫飲膈



實者此皆難治此則三死一生也病者過日不以疇
下則熱不得泄亦胃爛斑出春夏無大吐下秋冬無
大發汗法冬及始春大寒時宜服神丹丸亦可厚膏
火灸若春末及夏月始秋此熱月不宜大灸及重覆
宜服六物青散若崔文行度瘴散赤散雪煎亦善若
無圓散及煎者但單煮柴胡數兩傷寒時行亦可服
以發汗至再三發汗不解當與湯實者轉下之其脈
朝夕駛者爲澀實者朝平夕駛者非澀也轉下湯爲
可早與但當少與勿令大下耳少與當數其間也諸
虛煩熱者與傷寒相似然不惡寒身不疼痛故知非

傷寒也不可發汗頭不痛脈不緊數故知非裏實不可

下也如此內外皆不可攻而強攻之必遂損陽多

死難全也此虛煩但當與竹葉湯若嘔者與橘皮湯

一劑不愈為可重與也此法數用甚有效驗傷寒後

虛煩亦宜服此湯

王叔和曰夫陽盛陰虛外臺作表汗之則死下之則

愈陽虛陰盛外臺作裏下之則死汗之則愈夫如是

則神丹安可以誤發甘遂何可以妄攻虛盛之治外臺

作表裏相背千里吉凶之機應若影響然則桂枝下

咽陽盛則斃外臺作表承氣入胃陰盛以凶外臺作

和則斃裏平以



人若此陰陽虛實之交錯其候至微發汗吐下之相
反其禍至速而醫術淺狹不知不識病者殞沒自謂
其分至今寃魂塞於冥路天死盈於曠野仁愛無此
寧不傷楚夫傷寒病者起自風寒入於腠理與精氣
分爭榮衛否隔周行不通病一日至二日氣在孔竅
皮膚之間故病者頭痛惡寒腰背強重此邪氣在表
發汗則愈三日以上氣浮在上部填塞胸心故頭痛
胸中滿當吐之則愈五日以上氣沉結在藏故腹脹
身重骨節煩疼當下之則愈明當消息病之狀候不
可亂投湯藥虛其胃氣也經言脈微不可吐虛細不



可下又夏月亦不可下也此醫之大禁也脈有沉浮
轉能變化或人得病數日方以告醫雖云初覺痲痺
已積日在身其疹癢結成非復發汗解肌所除常
其脈隨時形勢救解求免也不可苟以次第爲固守
其機要乃致禍矣此傷寒次第病三日以內發汗者
謂當風解衣夜臥失覆寒濕所中并時有疾疫賊風
之氣相染易爲邪惡所中也至於人自飲食生冷過
多腹臟不消轉動稍難頭痛身温其脈實大者便可
吐下之不可發汗也

陳真邱云或問得病連服湯藥發汗汗不出如之何



答曰醫經云連發汗汗不出者死病也吾思之可蒸
之如蒸中風法熱溫之氣於外迎之不得不汗出也
後以問張苗苗云曾有人作事疲極汗出臥單薄中
冷得病但苦寒倦諸醫與圓散湯四日之內凡入過
發汗汗不出苗令燒地布桃葉蒸之卽得大汗於被
中就粉傅身使極燥乃起便愈後數以此發汗汗皆
出也人性自有難汗者非惟病使其然也蒸之則無
不汗出也諸病發熱惡寒脈浮洪者便宜發汗溫粉
粉之勿令遇風當發汗而其人適失血及下大利則
不可大汗也數少與桂枝湯使體潤熱熱汗出連日



當自解也

論曰凡人有少苦似不如平常卽須早道若隱忍不治冀望自瘥須臾之間以成固疾小兒女子尤甚若時氣不和當自戒謹若小有不和卽須治療其邪由及在腠理以時早治鮮不愈者患人忍之數日乃說邪氣入臟則難可制止雖倉扁亦無能爲也癰疽疔腫喉痺容忤尤其爲急此自養生之要凡作湯藥不可避晨夜時日吉凶覺病須臾卽宜使治不
等早晚則易愈矣服藥當如方法若縱意違師不須
治之凡傷寒多從風寒得之始表中風寒入裏則不



消矣未有溫覆而當不消也凡得時氣病五六日
渴欲飲水飲不能多不當與也所以爾者腹中熱
少不能消之便更爲人作病矣若至七八日大渴欲
飲水者猶當依證而與之與之勿令極意也言能飲
一斗者與五升若飲而腹滿小便澀若喘若噦不可
與之忽然大汗出欲自愈也人得病能飲水欲愈也
凡溫病可鍼刺者五十九穴又身之穴六百五十有
五其三十六穴灸之有害七十九穴刺之爲災
論曰夫尋方學之要以救速爲貴是以養生之家須
預合成熟藥以補倉卒之急今具之於左



醫藥大學圖書館

辟温第二

方三十三首
濕監病證

屠蘇酒

辟疫令人不染温病及傷寒之方

大黃

十五銖

白朮

桂心

各十銖

桔梗

蜀椒

各十銖

烏頭

六銖

菝葜

十二銖

右七味咬咀絳袋盛以十二月晦日中懸沉井中

令至泥正月朔旦平曉出藥置酒中煎數沸於東

向戶中飲之屠蘇之飲先從小起多少白在一人

飲一家無疫一家飲一里無疫飲藥酒得三朝還

泮置井中能仍歲飲可世無病當家內外有井皆



悉著藥辟溫氣也。一方有防風一兩

又方

正月旦取東行桑根如指長七寸以丹塗之
門戶上又令人帶之

又方

正旦吞麻子赤小豆各二十七粒又以二七粒
投井中

又方

常以七月七日合家吞赤小豆向日吞二七枚

又方



七月七日男吞大豆七枚女吞小豆二七枚

又方

神仙教人立春後有庚子日温蕪葶苈汁

大小並服不限多少

太乙流金散 辟温氣方

雄黃 三兩

雌黃 二兩

礬石 一兩

鬼箭羽

一兩半 即蘅芽

羚羊角

燒二兩

右五味治下篩三角絳袋盛一兩帶心前并挂門

戶上若逢大疫之年以月旦青布裏一刀圭中庭

燒之温病人亦燒熏之

